

ხელშეკრულება №59
სახელმწიფო შესყიდვის შესახებ
(კონსოლიდირებული ტენდერი №CON140000021)

ქ. თბილისი

9 ივნისი 2014 წ.

ერთის მხრივ, სსიპ „საქართველოს მეცნიერებათა ეროვნული აკადემია“ (შემდგომში - შემსყიდველი), მისი პრეზიდენტის მოადგილის იოსებ ბაჩიაშვილის სახით და მეორეს მხრივ, შპს „ალგორითმი“ მისი დირექტორის გივი კორახაშვილის სახით (შემდგომში - მიმწოდებელი), „სახელმწიფო შესყიდვების შესახებ“ საქართველოს კანონის 20² მუხლის მე-4 პუნქტის, „სტანდარტული პერსონალური და სტანდარტული პორტაბელური/სატარებელი კომპიუტერების სახელმწიფო შესყიდვის კონსოლიდირებული ტენდერის საშუალებით განხორციელების თაობაზე“ საქართველოს მთავრობის 2014 წლის 07 თებერვლის N184 განკარგულებისა და „სტანდარტული პერსონალური და სტანდარტული პორტაბელური/სატარებელი კომპიუტერების კონსოლიდირებული ტენდერის ჩატარების წესისა და პირობების დამტკიცების თაობაზე“ კონკურენციისა და სახელმწიფო შესყიდვების სააგენტოს თავმჯდომარის 2013 წლის 7 მარტის N8 ბრძანების საფუძველზე, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანია საქართველოს მეცნიერებათა ეროვნული აკადემიის საკუთარი შემოსავლების დაფინანსების ფარგლებში შემსყიდველისათვის საჭირო 1 (ერთი) ცალი სტანდარტული პერსონალური კომპიუტერის (მაგიდის კომპიუტერი) შესყიდვა (CPV კოდი 30213300 - მაგიდის კომპიუტერები (დესკტოპები)).
- 2.2. შესყიდვის ობიექტის ზუსტი აღწერილობა მოცემულია დანართში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 754, 69 (შვიდას ორმოცდათოთხმეტი ლარი და სამოცდაცხრა თეთრი) ლარს.
- 3.2. ერთი ერთეული სტანდარტული პერსონალური კომპიუტერის (მაგიდის კომპიუტერი) ფასია 754,69 (შვიდას ორმოცდათოთხმეტი ლარი და სამოცდაცხრა თეთრი) ლარი.

3.3. ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებულ მიმწოდებლის მიერ გაწეულ ყველა ხარჯს და საქართველოს კანონმდებლობით დადგენილ ყველა გადასახადს.

4. მხარეთა ვალდებულებები

4.1. მიმწოდებელი ვალდებულია:

4.1.1 უზრუნველყოს წინამდებარე ხელშეკრულების დანართის შესაბამისი საქონლის მიწოდება ხელშეკრულების დადების შემდეგ, შემსყიდველი ორგანიზაციის პირველი მოთხოვნიდან არაუგვიანეს 45 (ორმოცდახუთი) დღის ვადაში, ხოლო ყველა შემდგომი მოთხოვნის შემთხვევაში - მოთხოვნიდან 15 (თხუთმეტი) დღის ვადაში, შემდეგ მისამართზე: თბილისი, აღმაშენებლის ხეივანი მე-6 კილომეტრი.

4.1.2 საგარანტიო პერიოდის განმავლობაში უზრუნველყოს დაზიანებული ტექნიკის შეკეთება ან შეცვლა 10 (ათი) სამუშაო დღის ვადაში. შესყიდული პერსონალური კომპიუტერის ტრანსპორტირებას, ასევე მიმწოდებლის ტექნიკური მხარდაჭერის/შეკეთების პუნქტებში პერსონალური კომპიუტერის ტრანსპორტირებას უზრუნველყოფს შემსყიდველი.

4.1.3 განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

4.2.1 უზრუნველყოს ხელშეკრულების პირობების შესრულების კონტროლი;

4.2.2 განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი და გარანტია

5.1. საქონლის ხარისხი უნდა შეესაბამებოდეს დადგენილ სტანდარტებს, ხოლო მიწოდებული საქონელი უნდა იყოს იდენტური ხელშეკრულების დანართში აღნიშნული მაჩვენებლების.

5.2. ხელშეკრულებით განსაზღვრული საქონელზე გარანტია ვრცელდება მიღება-ჩაბარების აქტის გაფორმებიდან 3 (სამი) წლის განმავლობაში.

6. ხელშეკრულების პირობების შესრულების კონტროლი

6.1. შემსყიდველმა პროდუქციის მიწოდებისთანავე უნდა ჩაატაროს ხელშეკრულების პირობების შესრულების კონტროლი, რომელსაც განახორციელებს შემსყიდველის თანამშრომელი აკადემიის კომპიუტერული სამსახურის უფროსი პაატა ქორჭია, ხოლო მიმწოდებელი ვალდებულია ხელი შეუწყოს მას კონტროლის განხორციელების დროს.

6.2. შემსყიდველის მიერ ხელშეკრულების პირობების შესრულების კონტროლი განხორციელდება პერიოდულად როგორც საქონლის მიწოდების დროს, ისე ხელშეკრულების მოქმედების ვადის განმავლობაში შემსყიდველის მოთხოვნათა შესაბამისად.

6.3. შემსყიდველის შესაბამისმა წარმომადგენელმა (წარმომადგენლები, მოწვეული ექსპერტი) საქონლის მიწოდებისთანავე უნდა ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 10 (ათი) სამუშაო დღის განმავლობაში გამოასწოროს წუნი.

7. საქონლის მიღება-ჩაბარების წესი

7.1. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

7.2. მიღება-ჩაბარების აქტი დასტურდება შემსყიდველისა და მიმწოდებლის მიერ საამისოდ უფლებამოსილი წარმომადგენლის ხელმოწერით. მიღება-ჩაბარების აქტის ხელმოწერაზე უარის თქმის შემთხვევაში, აღნიშნული დასაბუთებული უნდა იქნეს შემსყიდველი ორგანიზაციის მიერ.

8 . ანგარიშსწორება

8.1. ანგარიშსწორება განხორციელდება შემდეგი პირობებით:

8.1.1. ანგარიშსწორების ვალუტა – ლარი.

8.1.2. ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება შესაბამისი მიღება-ჩაბარების აქტის გაფორმებიდან 5 (ხუთი) სამუშაო დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

9 . ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11-ე მუხლის შესაბამისად.

10. ხელშეკრულების პირობების შეუსრულებლობა

10.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისათვის ხელშეკრულებითა და საქართველოს კანონმდებლობით დადგენილი წესით;

10.2. წინამდებარე ხელშეკრულების 4.1.1 პუნქტით განსაზღვრული საქონლის მიწოდების ვადების გადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ვადაგადაცილებული საქონლის ღირებულების 0.02%-ის ოდენობით.

10.3. წინამდებარე ხელშეკრულების 6.3 პუნქტით განსაზღვრული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე წუნდებული საქონლის ღირებულების 0.02%-ის ოდენობით.

10.4. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0,02%-ის ოდენობით.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2014 წლის 30 სექტემბრის ჩათვლით.

15. ხელშეკრულების პირობების გადასინჯვის შესაძლებლობა

15.1 წინამდებარე ხელშეკრულების პირობების, მათ შორის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

16. ფორს-მაჟორი

16.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

17.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

17.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

17.4 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმონერა შესრულებული უნდა იყოს ქართულ ენაზე.

17.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და ხელმოწერილი მხარეთა მიერ.

18. მხარეთა რეკვიზიტები და ხელმოწერები:

შემსყიდველი:

სსიპ „საქართველოს მეცნიერებათა ეროვნული აკადემია“, მისამართი: ქ. თბილისი, რუსთაველის გამზ.#52, საბანკო რეკვიზიტები: სს „ლიბერთი ბანკი“, კოდი: LBRTGE22, ანგ. #GE80LB0121115150495000, ს/კ 203851536

პრეზიდენტის მოადგილე იოსებ ბაჩიაშვილი

(ხელმოწერა)




მიმწოდებელი:

შპს „ალგორითმი“, მისამართი: ქ. თბილისი, დ. აღმაშენებლის ხეივანი მე-6 კმ, საბანკო რეკვიზიტები: სს „საქართველოს ბანკი“, კოდი: BAGAGE22, ანგ. #GE02BG0000000272346607, ს/კ 205043237

დირექტორი გივი კორახაშვილი

(ხელმოწერა)



დანართი № 1				რალინო	ერეთელ	საერთა
ტექნიკური კომპლექტი	სავალდებულო მოთხოვნები	ტექნიკური მახასიათებლები	შემოთავაზებული საჭიროების მოდელი და ძირითადი ტექნიკური მახასიათებლები	ბა	ის ფასი	რ.
სისტემური ბლოკი Lenovo-IDEACENTRE H535,მონიტორი Lenovo LI2241 ,Keyboard,Mouse	მწარმოებელი ქვეყანა: მონიტორი: (მწარმოებელი, მოდელი)		ჩინეთი Lenovo LI2241		1	754.69
	ტიპი	21,5" Widescreen უკანა LED განათებით უკეთესი	Display Size	21.5 inch/54.6 cm		
	ფორმატი	16:9	Aspect Ratio	16:9		
	რეაგირების დრო	მაქსიმუმ 5 მილიწამი	Response Time	5ms(Typical)		
	მატრიცის ტიპი	TN	Display type	TN		
	გარჩევადობა	1920x1080	Resolution	1920 x 1080		
	კონტრასტულობა	დინამიური 3 000 000:1 ან უკეთესი	Contrast Ratio	Contrast ratio (typical): 1000:1; SmartContrast: 10,000,000:1		
	სიკაშკაში	250 კდ/მ2	Brightness	250 cd/m²		
	უკანა განათების სამუშაო ციკლი	30 000 საათი	Becklight life time:	30 000 Hours		
	ხედვის კუთხე	170° პერიმეტრული ან მეტი 160° ვერტიკალი ან მეტი	Viewing Angle(H/V)	170°/160°		
	უნდა გააჩნდეს Plug and Play ტექნოლოგიის მხარდაჭერა		Plug and Play	YES		
	დახრის კუთხე	არაუმეტეს -5, არანაკლებ +15 გრადუსი	Tilt angles of the monitor	Tilt: -5/20 degree		
	ვიდეო პორტები	DVI, VGA	Interface	Signal Input: VGA, DVI		
	მონიტორს უნდა მოყვებოდეს შესაბამისი კვების კაბელი და ვიდეო კაბელები	DVI და VGA	Box including	VGA And DVI Cables		
	სისტემური ბლოკი: (მწარმოებელი, მოდელი, მწარმოებელი ქვეყანა)		ჩინეთი Lenovo-IDEACENTRE Lenovo H535			
	პროცესორი:		AMD Quad-Core A8-Series APU A8-5500 with Radeon HD 7560D number of cores 4 GPU Core Speed * 760 MHz number of threads 4 Frequency 3200 MHz Turbo frequency 3700 MHz Virtualization Technology Support YES			
	ბირთვების რაოდენობა:	არანაკლებ 4 (ოთხი)				
	GPU ტაქტური სიხშირე:	არანაკლებ 760MHz				
	ნაკადების რაოდენობა L2 „ქეში“	არანაკლებ 4 (ოთხი)				
	ტაქტური სიხშირე	არანაკლებ 3.20 GHz (ბოლო Turbo რეჟიმში არანაკლებ 3,7GHz)				
	უნდა გააჩნდეს ვირტუალიზაციის მხარდაჭერა					
	დედაპლატა		Socket Type	FM2		
	ჩაშენებული ვიდეო პლატა	DX10-ის ან DX11-ის მხარდაჭერით	Graphics on board	DX11 Support		
	მყარი დისკის კონტროლერი	SATA, არანაკლებ 3 ინტერფეისისა	Num.of internal SATA header	3		
	ჩაშენებული ქსელის ადაპტერი	RJ-45 10/100/1000	Lan port	RJ-10/100/1000		
	გაფართოების სლოტები	DIMM სლოტი (Dual Channel-ის მხარდაჭერით) - 2 ცალი ან მეტი; PCI-E 16x - 1 ცალი ან მეტი; PCI-E 1x - 1 ცალი ან მეტი	DIMM slots Dual memory channel	2DIMM slots		
			Num of PCI-E*16 slot	1		
			Num.of PCI-E*1slot	1		
	პორტები	USB 2.0 ან უკეთესი: 6-ცალი ან მეტი, აქედან მინიმუმ 2 სისტემური ბლოკის წინა პანელზე და მინიმუმ 4 უკანა პანელზე	USB Ports	2 xUSB2.0(rear) 2xUSB3.0 (rear) 2xUSB2.0 (front)		
	გრაფიკული ინტერფეისები	ერთი DVI-D ინტერფეისი და ერთი VGA ინტერფეისი	Rear Graphics port	VGA,DVI-D Support		
	ოპერატიული მეხსიერება	მოცულობა: არანაკლებ 4096მბ; ტიპი:DDR3 1333MHz) ან უკეთესი	Base	4GB (DDR3 1333MHz),		
	მყარი დისკი	მოცულობა: არანაკლებ 500გბ; ბრუნვის სიჩქარე: არანაკლებ 7200rpm; ინტერფეისის ტიპი: SATA 6Gb/s, მეორე მყარი დისკის მონტაჟის შესაძლებლობით	Capacity	SATA 6Gb/s, 500GB, 7200rpm,		
	DVD/CD წამკითხველი (DVD/CDRom)	სავალდებულო არაა. სისტემურ ბლოკს უნდა ჰქონდეს არანაკლებ 1 DVD-წამკითხველისთვის განკუთვნილი თავისუფალი ადგილი.	Optical Disk Drive	NO		
	კლავიატურა:(მწარმოებელი, მოდელი, მწარმოებელი ქვეყანა)	სტანდარტული, მინიმუმ 104 კლავიშისა, USB	Keyboard	Lenovo Preferred Pro USB Keyboard ჩინეთი		
	მაუსი (მწარმოებელი, მოდელი, მწარმოებელი ქვეყანა)	ოპტიკური USB(scroll-ის უნქვით)	Mouse	Lenovo USB Optical Wheel Mouse ჩინეთი		
	ოპერაციული სისტემა	Free OS	Operating System	Free Dos		

შემოთავაზებული ტექნიკაზე გრეგორიანული 3 წლიანი საგარანტიო მომსახურება, დაზიანების შემთხვევაში ტექნიკა შეკეთდება ან შეიცვლება 10 სამუშაო დღის განმავლობაში.

შპს "ალგორითმი" ს. ლიბერტი



სსიპ „საქართველოს მეცნიერებათა ეროვნული აკადემიის“ პრეზიდენტის მოადგილე

იოსებ ბაჩიაშვილი

